



ACTA DERA SESSION DETH PLEN

Identificacion dera session

Numerò: 08/2015

Caractèr: Ordinària

Data: 28 de junhsèga de 2015

Orari: 10:00 a 11:05 ores

Lòc: Sala d'actes der Ajuntament de Vielha e Mijaran

Assistenti

President: Juan Antonio Serrano Iglesias

Còssos:

Grop Municipau d'Unitat d'Aran-Partit dels Socialistes de Catalunya- Candidatura de Progrés (UA-PSC-CP): Jacinto Cuny Moga, Rufino Martinez Cau, Elena Vidal Díaz, Ramón González Pujol e Alberto López López.

Grop Municipau de Convergència Democratica Aranese-Partit Nacionaliste Aranés (CDA-PNA): Alejandro Moga Vidal, Luisa Estévez Sans, Agustín Calbetó Escrig e Montse García Roca

Grop Municipau de Ciutadans-Vielha (C's): Javier Rivas Escamilla

Se desencusen es còssos: María Vergés Pérez e Pau Perdices Pla

Assistidi pera Secretària dera Corporacion Municipau Pilar Hervada Vidal, damb er objectiu de celebrar era session ordinària en prumèra convocatòria.

Orde deth dia

1. Aprobacion acta session anterior deth Plen.
2. Balhar compde des Decrèt d'Alcaldia.
3. Aprobacion dera modificacion des Estatuts deth Consoci CEDER-GAL.
4. Aprobacion des hèstes locals deth Municipi entar an 2016.
5. Informacion periodica ath Plen dera execucion deth Pressupòst e dera tresaureria a data 30 de junh de 2015.
6. Mocion presentada peth Grop Municipau de Ciutadans-Vielha (C's).
7. Mocion presentada peth Grop Municipau de CDA-PNA.
8. Ahèrs d'urgéncia se n'i a.
9. Prècs e demanes.

1.- APROBACION ACTA ANTERIOR.-

Se da per liejuda er Acta dera session extraordinària deth dia 25 de junh de 2015, eth brolhon dera quau siguec liurat a toti es membres deth Consistòri e trapant-la conforme s'apròve per unanimitat des presentis.

2.- BALHAR COMPDE DES DECRÈTS DER ALCALDE.-



Ajuntament de Vielha e Mijaran

Per part der Alcalde se da compde as Còssos, que se dan per assabentadi, des resolucions que seguissen:

- Decrèt VIE/SEC/118/2015 – convocar session ordinària deth Plen.
- Decrèt VIE/SEC/119/2015 – allegacions expedient disciplina urbanistica.
- Decrèt VIE/SEC/120/2015 – incoar expedient disciplina urbanistica.
- Decrèt VIE/SEC/121/2015 – autorizacion utilizacion sala Era Audiovisuau.
- Decrèt VIE/SEC/122/2015 – estimar allegacions expedient declaracion roïna.
- Decrèt VIE/SEC/123/2015 – convocar session ordinària dera Junta de Govèrn Locau.
- Decrèt VIE/SEC/124/2015 – adjudicacion profitament forestau.
- Decrèt VIE/SEC/125/2015 – convocar session ordinària dera Junta de Govèrn Locau.
- Decrèt VIE/SEC/126/2015 – convocar sessions ordinàries des Comissions Informatives.
- Decrèt VIE/SEC/127/2015 – reposicion realitat fisica alterada.
- Decrèt VIE/SEC/128/2015 – autorizacion utilizacion espacis ena Escòla Garona.
- Decrèt VIE/SEC/129/2015 – convocar session extraordinària deth Plen.
- Decrèt VIE/SEC/130/2015 – incoar expedient entà restauracion dera realitat fisica.
- Decrèt VIE/SEC/131/2015 – delegacion celebracion matrimòni civil.
- Decrèt VIE/SEC/132/2015 – delegacion representacion Ajuntament entà assisténcia ath Plen deth Consorci Leader Pirineu Occidental.
- Decrèt VIE/SEC/133/2015 – aprobacion nau configuracion dera Junta de Govèrn Locau.
- Decrèt VIE/SEC/134/2015 – nomenament Tinents d'Alcalde.
- Decrèt VIE/SEC/135/2015 – convocar session extraordinària deth Plen.
- Decrèt VIE/SEC/136/2015 – delegacions a favor de Còssos.
- Decrèt VIE/SEC/137/2015 – remission expedient ath Jutjat Contencios Administratiu.
- Decrèt VIE/SEC/138/2015 – atorgar poder entà plets.
- Decrèt VIE/SEC/139/2015 – licéncia entara collocacion de pannèu publicitari.
- Decrèt VIE/SEC/140/2015 – convocar session extraordinària dera Junta de Govèrn Locau.
- Decrèt VIE/SEC/141/2015 – legalizar òbra e esbauçament construccion non legalizable.
- Decrèt VIE/SEC/142/2015 – aderir-se ara Asociación Española de Municipios de Montaña.
- Decrèt VIE/SEC/143/2015 – autorizacion aucupacion via publica.
- Decrèt VIE/SEC/144/2015 – autorizacion cession concession administrativa.
- Decrèt VIE/SEC/145/2015 – convocar session ordinària dera Junta de Govèrn Locau.
- Decrèt VIE/SEC/146/2015 – aprobacion devolucion fiança d'òbra.
- Decrèt VIE/SEC/147/2015 – autorizacion installacion “xurreria”.
- Decrèt VIE/SEC/148/2015 – caducitat inscripcion en Padron Municipau d'Abitants.
- Decrèt VIE/SEC/149/2015 – cambi veïcul entà exercir de taxi.
- Decrèt VIE/SEC/150/2015 – autorizacion aucupacion via publica.
- Decrèt VIE/SEC/151/2015 – autorizacion aucupacion via publica.
- Decrèt VIE/SEC/152/2015 – autrejament licéncies.
- Decrèt VIE/SEC/153/2015 – aprobacion devolucion fiança d'òbra.
- Decrèt VIE/SEC/154/2015 – convocar session extraordinària Comission Informativa.
- Decrèt VIE/SEC/155/2015 – allegacions expedient restauracion legalitat urbanistica.
- Decrèt VIE/SEC/156/2015 – aprobacion devolucion fiança d'òbra



- Decrèt VIE/SEC/157/2015 – autorizacion aucupacion via publica.
- Decrèt VIE/SEC/158/2015 – convocar session ordinària deth Plen.

Decrèts intervencion

- Decrèt VIE/INT/40/2015 – ordenar era aprobacion e eth pagament de nomina deth personau e quotes patronaus.
- Decrèt VIE/INT/41/2015 – aprovar relacions de despenes num. 00019/2015.
- Decrèt VIE/INT/42/2015 – ordenar pagaments num. 00012/2015.
- Decrèt VIE/INT/43/2015 – assignar gratificacion per servicis extraordinaris.
- Decrèt VIE/INT/44/2015 – aprovar relacions de despenes num. 00021/2015.
- Decrèt VIE/INT/45/2015 – aprovar pagament de despenes num. 00013/2015 e amortizacion prestec.
- Decrèt VIE/INT/46/2015 – aprovar pagament paga extra d'ostiu.
- Decrèt VIE/INT/47/2015 – aprovar relacions de despenes num. 00022/2015 e 00023/2015.
- Decrèt VIE/INT/48/2015 – aprovar pagament relacion pagaments num. 00014-2015.
- Decrèt VIE/INT/49/2015 – nomenament tresaurer.
- Decrèt VIE/INT/50/2015 – ordenar era aprobacion e eth pagament de nomina deth personau e quotes patronaus.
- Decrèt VIE/INT/51/2015 – aprovar relacions de despenes num. 00024/2015 e 00025/2015.
- Decrèt VIE/INT/52/2015 – aprovar pagament relacion pagaments num. 00015-2015 e 00016-2015.
- Decrèt VIE/INT/53/2015 – aprovar relacions de despenes num. 00026/2015.
- Decrèt VIE/INT/54/2015 – aprovar pagament relacion pagaments num. 00017-2015.
- Decrèt VIE/INT/55/2015 – aprovar pagament regularizacion nomina personau e quotes patronaus deth mes de junh.
- Decrèt VIE/INT/56/2015 – aprovar relacions de despenes num. 00027/2015.
- Decrèt VIE/INT/57/2015 – ordenar pagament liquidacion IRPF e IVA 2au trimèstre.

3.- APROBACION DERA MODIFICACION DES ESTATUTS DETH CONSOCI CEDER-GAL.-

Er Alcalde lieg e explique era prepausa d'acòrd.

Eth Pòrtavotz de CDA-PNA, Alejandro Moga, ditz que s'explique eth motiu d'aguesta modificacion.

Eth Pòrtavotz d'UA-PM-PSC, Rufino Martínez, explique eth motiu dera modificacion des estatuts. Basicament ei era adaptacion ara naua realitat, ara naua estructura deth consorci per increment des socis de naues comarques incluidid en Programa Leader e ara naua denominacion. Era prepausa la hè eth pròpri Consorci entà que sigue ratificat pes ajuntaments membres deth organ de govèrn deth consorci.

Eth Pòrtavotz Alejandro Moga ditz qu'ei un estrument que mos possibilita arthéner ajudes. E votaran a favor per responsabilitat.



Eth Pòrtavotz de C's, Javier Rivas, ditz que non coneishi es estatuts anteriors ne es actuaus, mès supausi qu'an estat revisadi e son corrèctes.

Vist qu'eth Plen deth Consorci Centre de Desenvolupament Rural Pallars Ribagorça (ara Consorci Leader Pirineu Occidental), en session plenària deth dia 30 d'abriu de 2015 aprovèc era modificacion des sòns Estatuts.

Vista era publicacion deth tèxte rehonot des Estatuts, damb era incorporacion des modificacions aprovades, en Butletín Oficiau dera Província núm.: 115 de data 17 de junh de 2015.

Atengut qu'er article 322 deth Reglament d'òbres, activitats e servicis des ens locals preve qu'era modificacion des estatuts deth Consorci, damb er acòrd prealabla del seu òrgan de govèrn, a d'èster ratificada pes ens consorciats e acordada damb es madeishes formalitats que entara sua aprobacion.

Vist er informe favorable dera Comission Informatiua de Finances, personau, pressupòsti, patrimonì e contractacions, e Politiques actives, socials e economicas, transparéncia e participacion ciutadan de data 23 de junhsèga de 2015.

Se prepausa ath Plen era adopcion des següents acòrds e per unanimitat, damb eth vòt en favor des onze (11) membres presents des tretze (13) que de dret formen era Corporacion, acòrden:

Prumèr.- Aprovar era modificacion des Estatuts deth Consorci Leader Pirineu Occidental.

Dusau.- Delegar en Consorci Leader Pirineu Occidental era publicacion d'aguesta modificacion des Estatuts.

Tresau.- Balhar trasllat d'aguest acòrd ath Consorci Leader Pirineu Occidental entath sòn coneishment e efectes.

4.- APROBACION DES HÈSTES LOCAUS DETH MUNICIPI ENTAR AN 2016.-

Er Alcalde explique era prepausa:

Vist er escrit rebut en aquest Ajuntament deth Departament d'Empresa i Ocupació de la Generalitat de Catalunya, en quau se mos comuniquèc que per part dera Conselleria d'Empresa i Ocupació s'inicièc era preparacion dera Orde de Hèstes Locaus en Cataluña entar an 2016, e entà què se hèsque era prepausa des dues hèstes locals en aquest municipi.

Er Ajuntament de Vielha e Mijaran vist er escrit rebut deth Departament d'Empresa i Ocupació relatiu ara obligacion der Ajuntament de fixar es dues hèstes locals entar an 2016.

Auent en compde qu'er article 37.2 der Estatut des treballadors indique que des catorze hèstes laboraus, dues seràn locals e que per Decrèt dera Generalitat de Catalunya s'establís



que es dues hèstes seràn fixades pera Orde deth Conseller d'Emprea i Ocupació, a prepausa des Municipis respectius.

Auent en compte çò qu'establís er article 46 deth RD 2001/1983 de 28 de junhsèga.

Vist er informe favorable dera Comission Informatiua de Finances, personau, pressupòsti, patrimonì e contractacions, e Politiques actives, sociaus e econòmiques, transparéncia e participacion ciutadan de data 23 de junhsèga de 2015,

Se prepausa ath Plen era adopcion des següents acòrds e per unanimitat, damb eth vòt en favor des onze (11) membres presents des tretze (13) que de dret formen era Corporacion, acòrden:

Prumèr.- Prepausar coma Hèstes Locaus entar an 2016 deth Municipi de Vielha e Mijaran, es següentes:

VIELHA	8 SETEME	8 OCTOBRE
POBLES AGREGATS		
ARROS	29 AGOST	8 OCTOBRE
AUBERT	3 OCTOBRE	8 OCTOBRE
BETLAN	5 AGOST	8 OCTOBRE
BETREN	3 OCTOBRE	8 OCTOBRE
CASARILH	21 DECEMBRE	8 OCTOBRE
CASAU	25 JUNHSEGA	8 OCTOBRE
ESCUNHAU	29 JUNH	8 OCTOBRE
GAUSAC	16 AGOST	8 OCTOBRE
MONT	10 AGOST	8 OCTOBRE
MONTCORBAU	3 AGOST	8 OCTOBRE
VILA	16 AGOST	8 OCTOBRE
VILAC	1 AGOST	8 OCTOBRE

Dusau.- Notificar aquest acòrd ath Departament d'Empresa i Ocupació, Serveis Territorials a Lleida, entara sua inclusion ena Orde deth Conseller d'Empresa i Ocupació des Hèstes locals de 2016.

5.- INFORMACION PERIODICA ATH PLEN DERA EXECUCION DETH PRESSUPÒST E DERA TRESAURERIA A DATA 30 DE JUNH DE 2015.-

Er Alcalde passe era paraula a Xavier Nou qu'explique er Informe sus er estat dera liquidacion deth pressupòst de 2015 e que se resumis ara seguida:

S'informe en compliment de çò qu'establís er article 207 deth Reiau Decrèt Legislatiu 2/2004, de 5 de març, peth quau s'apròve eth Tèxte Rehonut dera Lei Reguladora des Isèndes Locaus e era basa num. 54 des bases d'execucion deth pressupòst. Intervencion a preparat era informacion economica relatiua ar estat d'execucion deth pressupòst der exercici corrent e des moviments e situacion dera tresaureria a data 30 de junh.

En expedient figuren es listats corresponents ara informacion relatiua a :



- a) Execució deth pressupòst de despeses der exercici corrent
- b) Execució deth pressupòst d'ingrèssi der exercici corrent
- c) Moviments e situació dera tresoreria.

Era informació sus era execució deth pressupòst de despeses corrents se referís as obligacions reconeixudes e as pagaments realizadi damb càrrec as credits pressupostaris der exercici; aguesta informació se presente damb detalls des classaments per programes e economica corresponenta as partides pressupostàries as qu'auessen afectat es operacions realizades.

Era informació tanhent ara execució deth pressupòst d'ingrèssi corrents, da compte des drets reconeixuts e era recaptació obtenguda que s'a aplicat ath pressupòst en cors, damb indicació des classaments economics que corresponen.

Era informació des moviments e situació dera tresoreria met de manifest es crobaments e es pagaments pendent eth període referit, en tot distinguir es originadi pera execució deth pressupòst e es non pressupostaris, atau coma es existències ena tresoreria ar inici der exercici e ara fin deth període en qüestion.

A data 30 de junh era execució des pressupòsti d'ingrèssi e despeses son corrèctes e en tot èster era execució deth pressupòst de despeses deth 38% e ena tresoreria se dispause des recorsi suficients entà poder afrontar es obligacions e es compromisi aqueridi.

Er Alcalde aufrís era paraula as Grops Municipaus que non manifesten arren.

6.- MOCION PRESENTADA PETH GROP MUNICIPAL DE CIUTADANS-VIELHA (C'S).-

Se balhe compte dera Moción que presente eth Grop Municipal de Ciutadans-Vielha (C's) de reprobación der ex-president Jordi Pujol i Soley:

«MOCIÓN DE REPROBACIÓN DEL EX PRESIDENT JORDI PUJOL I SOLEY.-

- Durante la pasada legislatura, acogiéndonos a la ordenanza de participación ciudadana en su Art.5b. Solicitamos al entonces alcalde Alejandro Moga la incorporación en el orden del día del pleno. Una propuesta de reprobación del Sr. Jordi Pujol i Soley.
- Aunque hubo varios plenos, nunca se llegó a incorporar en el orden del día, decisión que competía al entonces Alcalde. Poniendo de manifiesto la arbitrariedad, poca coherencia y consecuencia con una ordenanza aprobada a propuesta de su propio grupo.
- A fecha de hoy Ciutadans, tiene representación institucional en el Ajuntament de Vielha, lo que nos deriva la responsabilidad de representar y defender los intereses de los vecinos de Vielha e Mijaran.
- Después de la declaración por escrito del Sr. Jordi Pujol i Soley del pasado 25 de Julio del 2014. En la cual confesaba sin excesivo detalle, pero de manera



inequívoca, la asunción de diferentes “delitos continuados”; perpetrados incluso durante el periodo en el que fue President de la Generalitat.

- Después de su primera comparecencia en la comisión Parlamentaria del 25/09/14 en la que no solo no aportó ninguna luz a sus confesos delitos, si no que hasta se permitió reñir y amenazar a los diputados del Parlament de Catalunya. Y de su segunda comparecencia de fecha 23/02/15. En la que nuevamente traslada su desprecio a la ciudadanía con una soberbia indigna.
- Los vecinos de Vielha, pagamos elevados tributos dando cumplimiento a todo el compendio legislativo de tasas e impuestos directos o indirectos que gravan el trabajo, la propiedad o el consumo.
- Pagar impuestos, incluido el de Sucesiones, no es agradable, pero éticamente es un deber ciudadano para construir y mantener, los servicios de la sociedad. Por lo que hace siglos, que esta ética, se convirtió en ley.
- El Sr. Jordi Pujol, ha demostrado con su actuación un profundo desprecio ético y legal respecto a los vecinos de Vielha. Independientemente de las responsabilidades que deriven las investigaciones policiales y judiciales. Exige reparación dentro de nuestras posibilidades municipales.
- Indiscutiblemente, el nombre Jordi Pujol se escribirá en los libros de historia, como uno de los Presidents de la Generalitat de Catalunya. Pero lo que no parece adecuado, es trasladar a las nuevas generaciones una imagen de “agradecimiento” a un Ex President, como si el Palai o el Espitau “existieran” gracias a él. Cuando la realidad ha demostrado que si existen... es gracias a los impuestos de todos los ciudadanos, exceptuándole a él

Por todo lo cual, El Grupo Municipal de Ciutadans Vielha, somete al Pleno del Ajuntament de Vielha e Mijaran los siguientes acuerdos.

- 1.- Reprobación de los ilícitos confesos del Sr. Jordi Pujol i Soley.
- 2.- Retirada de la vía pública o instalaciones municipales; de placas o cualquier otro tipo de reconocimiento al Sr. Jordi Pujol i Soley».

Er Alcalde passe era paraula ath Pòrtavotz de C's, Javier Rivas, qu'explique era mocion formalizada.

Ditz que non ei ua mocion de reprovacion presentada contra CIU ne mens contra CDA, non ei pes nombrosi casi investigadi aguesti darrèri ans en Catalunya enes quaus ei relacionat eth partit qu'a era sua sedença embargada; en tot açò non entrarè per qu'èm en un Ajuntament e creigui qu'era separacion de poders en aguest país foncione. Aguesta mocion ei personalizada en Jordi Pujol i Soley pr'amor que en sòn cas non existís presumpcion d'innocència per qu'eth madeish a coheissat part des sòns delictes, dejà qu'era sua declaracion en eth Parlament siguec un espectacle de supèrbia e prepotència. Dilhèu quauquarrés pense qu'era mocion non a arren a veir damb er Ajuntament mès pensi qu'er Ajuntament non ei sonque era prumèra linha de huec dera administracion mès tanben dera democracia e dera justícia. Jordi Pujol siguec President dera Generalitat 23 ans e atau



demorará entara istòria mès mos cau enviar as naues generacions un messatge clar qu'es politics les cau èster exemplars e qu'era democracia non i a lòc entara corrupcion, era supèrbia ne era prepotència e qu'eth nacionalisme non ei era bulla des indulgències de cap sistèma politic, pr'amor qu'èm ciutadans en igualtat de condicions deuant era lei; per tot açò s'a presentat aguesta mocion que demane que s'apròve damb es consequéncies que d'era deriven entà que quede clar as vesins de Vielha e Mijaran qu'arrés, e mens un cargue public, ei exempt de responsabilitat.

Er Alcalde passe era paraula as Pòrtavotzes des Grops Municipaus.

Eth Pòrtavotz de CDA-PNA, Alejandro Moga, ditz que tanhen ara exposicion de motius non s'ajuste ara vertat e i a ua clara allusion ara mia persona damb nòm e cognòms qu'auia era era responsabilitat d'Alcalde en anterior manament e dejà que ditz que non se somet a plen era mocion presentada quan sonque quedaue un plen ordinari e per què es que quedauen èren especifics entà d'auti tèmes. No seram nosati es que defeneram ath Sr. Pujol; reprovam quinsevolh conducta illicita que non sigue complir damb era legalitat, de quinsevolh comportament illicit de quinsevolh politic. Sollicitam votar per separat es dus punts dejà reprovam era conducta illicita deth comportament personau deth Sr. Pujol mès non era politica, òbra de govèrn deth President. Tanpòc i a senténcia qu'establisque ua mauversacion, prevaricacion, utilitzant es arques publiques entath lucre personau. Ath cap e ara fin ei ua decision discrecional que correspon ar Alcalde retirar ua placa d'ua bastissa o d'un carrèr.

Eth Pòrtavotz d'UA-PM-PSC, Rufino Martínez, ditz que sajaràn qu'aguesta Corporacion non entre en debats que non li corresponen des dera àmbit dera politica municipau a viatges s'excedís ena presentacion de mocions que parlen de tèmes que non corresponen as corporacions locals; se les demane qu'opinen de tot e a viatges non pòrte a arren eth debat municipau s'a d'ajustar as sues competéncies e es sòns interèssi. En aquest cas concret, en tot reconeisher qu'efectivament i a ua seria d'afirmacions que pòden èster cèrtes e que nosati ne les modificam ne les jutjam, ei vertat qu'ena mocion i a dues parts. Ua de reprobacion as illicits manifestats peth Sr. Jordi Pujol que s'an de demostrar e que s'an de jutjar, eth nòste grop serie diposat a non adoptar cap tipe d'acòrd sus era reprobacion personau deth Sr. Pujol pr'amor qu'encara a fòrça recorrut entà hèr e ua dusau part que concor efectivament ar Ajuntament, coma ben a dit eth Sr. Moga, ar Alcalde, mès segurament eth Sr. Rivas a volut vestir aquest acòrd damb ua major solemnitat d'un acòrd deth Plen e non èster ua decision de caractèr unipersonau der Alcalde que podesse semblar qu'ei ua decision personau de Juan Antonio Serrano e non pas ua decision dera Corporacion Municipau, ei çò que vò eth Grop de Ciutadans, que sigue eth plen eth qu'adòpte er acòrd.

Era prepausa deth nòste grop ei en sentit qu'en prumèr punt non manifestaram cap reprobacion des delictes confessadi e si manifestaram eth nòste supòrt a retirar es plaques. Non ei decission der Alcalde hèr votacion separada, se non qu'ei eth Pòrtavotz Javier Rivas, qui a de decidir se se vò o non retirar era prumèra part e mantier e votar era retirada des plaques. Encara compartin eth darrèr paragraf exponent dera mocion en eth que ditz que a viatges se vò trasladar a generacions futures qu'ua instalacion, espitau, poliesportiu, eca ei un hèt personau d'ua persona determinada coma se calesse arregraïr ad aguesta persona, quan es causes s'artenhen pes impòsti des ciutadans, per esfòrç dera comunitat, que se hèn damb sòs publics e non d'ua persona determinada.



Javier Rivas ditz que çò important son es persones non es personantges, Jordi Pujol mos a decebut a toti, non i a ua senténcia mès si que i a ua confession pròpria. Dilhèu mos excedim un shinhau deth entorn municipau mès per hèt d'aué'c sometut ath Plen e auer-se pogut debàter e qu'es vesins ac sàpien ja a estat satisfèt e ei d'acòrd en deishar sonque çò qu'ei competéncia municipau, ei d'acòrd en votar sonque era dusau part.

Vist er informe dera Comission Informatiua de Finances, personau, pressupòsti, patrimonni e contractacions, e Politiques actives, sociaus e economiques, transparéncia e participacion ciutadan de data 23 de junhsèga de 2015.

Se met a votacion sonque eth punt 2au dera Mocion presentada e damb eth vòt a favor des sies (6) membres presenti deth Grop Municipau d'UA-PM-PSC e eth vòt a favor deth Còsso de C's, e era abstencion des quate (4) membres presenti deth Grop Municipau de CDA-PNA, s'acòrde:

Prumèr.- Aprovar era Retirada dera via publica o installacions municipaus; de plaques o quinsevolh aute tipe de reconeishment ath Sr. Jordi Pujol i Soley.

7.- MOCION PRESENTADA PETH GROU MUNICIPAL DE CDA-PNA.-

Se balhe compde dera Mocion que presente eth Grop Municipau de Convegéncia Democratica Aranés- Partit Nacionalista Aranés (CDA-PNA).

«MOCION DE SUPÒRT AS E.M.D. DE VIELHA E MIJARAN COMA INSTITUCION BASICA MUNICIPAL E DE DEFENSA DES PÒBLES E DES SÒNS CIUTADANS E CIUTADANES ENTÀ MELHORAR-NE ETH FINANÇAMENT COMA GARANTIA DE SOSTENIBILITAT FINANCÈRA E PRESSUPOSTÀRIA PRESENT E FUTURA.-

Era Entitat Municipal Descentralitzada (EMD) s'assolidat coma ua estructura basica de representacion democratica dirècta e municipau de treball en benefici der interès general deth pòble e/o pòbles que represente.

En Municipi de Vielha e Mijaran compdam tamb set EMD's (Gausac, Betren, Aubèrt, Vilac, Escunha e Casarilh, Arròs e Vila e Casau) que pendent es darrèrs 40 ans an desvolopat un treball ingent, positiu e vertebrat entara melhora de cadun des pobles deth sòn encastre e entara melhora dera qualitat de vida des sòns ciutadans.

Enes darrèrs quate ans, er Ajuntament de Vielha e Mijaran sensible as canvis legislatius e as mancances financèras des quaus èren objècte aguestes institucions aumentèc en un 25% eth finançament a totes es EMD's deth municipi a hons perdut tamb quauqui condicionants. Ath delà de garantir eth finançament entà que totes poguessen executar ua inversion estrategica en o enes pòbles des E.M.D.

Diuèrses Leis aprovades peth Congrès des Deputats en Madrid enes darrèrs ans diboishen un present dificultós entara defensa der interès general e bàsic d'aguestes institucions e sustot un futur lèu inexistent a long termini que dificultarà fòrça era defensa des besonhs e mancances d'urgéncia e estrategiques enes pòbles.

Per tot açò,



Eth Grop Municipau de Convergència Democratica Aranesa – Partit Nacionaliste Aranès sotmet ath Plen der Ajuntament de Vielha e Mijaran es següents,

ACÒRDS

Prumèr. *Mostrar eth nòste reconeishement ath trebalh en favor des pòbles ara institucion locau dera EMD coma òrgan de representacion democràtica e defensa des interèssi des pòbles deth municipi.*

Dusau. *Crear, en un termini de quinze dies, ua taula de negociacion entre er Ajuntament de Vielha e Mijaran e es EMD's deth municipi entà renauir eth convèni de colaboracion de finançament annau que s'a signat enes darrèrs ans coma clara mòstra de supòrt as pòbles de Vielha e Mijaran.*

Tresau. *A presentar eth trebalh resultant d'aguesta negociacion abantes deth 30 de noveme de 2015 ath Plen der Ajuntament de Vielha e Mijaran e a explicar-ne eth contengut, estructura e finançament des convèniments negociats.*

Quatau. *A melhorar eth finançament sustantivament deth convèni de colaboracion entre er Ajuntament de Vielha e Mijaran e es EMD's deth municipi entà poder contunhar auent, es EMD's, era capacitat decisiva sobirana des sòns recorsi.*

Cincau. *Comunicar aquest acòrd a totes es EMD deth municipi e ath Conselh Generau d'Aran.»*

Er Alcalde passe era paraula ath Pòrtavotz de CDA-PNA, Alejandro Moga qu'explique que era mocion se presente en reconeishement deth trebalh realizat pera institucion mès baisha de tota era administracion locau mès que non deishe d'èster tanben fòrça important e peth papèr qu'a jogat enes darrèri 35 ans en aquest municipi; se referís as Entitats Municipaus Descentralizades (EEMMDD) de Vielha e Mijaran. Explique es antecedents dera baishada des ingressi des EEMMDD, quitament en relacion ara politica agraria comun a repercutit enes subastes de peisheus qu'an disminuit; sus tot era EMD d'Aubèrt

Se non ingrèsse eth pròplèu an aurà problèms entà realizar eth pressupòst pr'amor qu'encara que les age non poderà inclúdir-les en pròplèu pressupòst. Situacion que pòt arribar a situacions greus.

Nosati demanam constituir ua taula de negociacion entre er Ajuntament e es EEMMDD entà estudiar aquesta situacion que pot arribar a èster greu en exercicis porteriors, entà que se pogue arribar a acòrds entà melhorar es ingressi que poguen utilizar sobiranament damb bèra condicion, coma se hège enes convèniments signadi en ans anteriori. Protegir as Entitats entà que poguen auer pressupòsti coma auien ar inici de 2015 e entà poder amiar a tèrme eth taebalh qu'an hèt en favor des pòbles e en defensa des interèssi des vesins. S'ajam qu'es resultats d'aguesta negociacion que se presenten es preapuses acordades. Balhar supòrt as trebalhs realizadi en aquesti ans pes Presidents des EEMMDD.

Aguesta mocion se presente en ton d'aportacion e de positivitat e mos metem ara disposicion deth govèrn municipau entà dar supòrt e ajudar en sens que s'a hèt aquesti darrèri ans.



Eth Pòrtavotz de C's, Javier Rivas ditz: m'a costat un shinhau compréne'c. Estam totaument d'acòrd en dar supòrt ara labor que realizen es vesins des EEMMDD, mès i a ua auta part que me semble un shinhau excessiva perque tanpòc me semble que vertebrem era democracia deth país. Mès sei en sentit qu'ac plantege eth Còsso Moga ac veigui ben; s'ei entà ajudar e entà financiar, se supause qu'aguesta volontat ja existís e contunharà existint. Era mocion non apòrte arren nau, ei redundant.

Eth Pòrtavotz d'UA-PM-PSC, Rufino Martínez, ditz qu'ei d'acòrd enes 3 punts dera mocion, en dus antecedents e en un acòrd.

Estam d'acòrd qu'era EMD ei ua estructura mès democratica, damb un organ collegial qu'a competències pròpies e que des de hè quaranta ans aguestes Entitats an estat elements de progrés entath municipi en tant qu'an hèt cuases peth sòn compde e an exigít ar Ajuntament era prestacion de servicis basics. Nosati non hèm extranhs, coma partit, ena collaboracion damb es EMD, per exemple, damb eth Canon energetic, tot se destinèc en sòn dia a òbres realizades enes pòbles des Entitats en lòc dera capital. Ena legislatura der Alcalde Joan Riu, eth PUOSC des 4 ans se destinèc integrament as EMD.

Rebrembe de deus causes: eth sòn Goup presente era mocion en prumèr Plen d'aguesta legislatura quan es eleccions sigueren eth 24 de mai. Pensi qu'era prepausa ei demagogica e oportunista perque hè aciu es convènis signadi entre er Ajuntament e es EEMMDD eth 30.03.2014, estam parlant de hè quate dies; era actitud deth sòn equip de govèrn ère dotar d'ua financiacion ara EMD sufisenta e ampliada e dus mesi dempús presente ua prepausa ena que quasi lèu diden qu'er Ajuntament non partcipe ena financiacion des Entitats.

Ath delà i a un error, ditz que s'an aumentat un 25% es aportacions quan non a estat atau, segontes dades de comptabilitat an estat parières pendent es ans 2012, 2013 e 2014 e en an 2015 s'aumentèc un 10%. Independent d'aquerò eth sòn Grop de CDA ja non sonque en aguesti darrèri quate ans se non tanben es quate anteriors poderie auer aumentat es aportacions as EMD e non ac a hèt. Non enteni çò qu'en mes de març ère bon ara non ei bon.

Tanben li da era colpa as Leis aprovades peth Congreso de los Diputados de Madrid. Tostemp dan era colpa as qu'estan luenh. Vos tanben auetz responsabilitat coma parlamentari catalan, en aguesti quate ans, a partir dera aprobacion dera RSAL, e quitament abantes, se poderie auer aprovat era Lei de Govèrn Locau de Catalunya e encara crear marc economic d'aguestes Entitats e non s'a hèt; encara ei en calaish. Tanben se podie auer aprovat era Lei de Finances Locaus e tanpòc s'aprovèc. Ei era Generalitat de Catalunya qui repartís eth Fons de Cooperació Local de Catalunya qu'a anat disminuint quasi desapareishen. Repetisqui que me semble oportunista simplement peth "tempus", se siguesse mès endeuant, un an, e s'eth nau govèrn locau, non preste ben es servicis se poderie parlar. Prumèrament er Ajuntament aurà de decidir era forma de prestacion de servicis e dempús veiram s'er Ajuntament les preste mau o ben.

Er Ajuntament realize quasi totes es competències qu'obligue era Lei as Entitats, per tant qu'ei çò que non financie? Q'a de financiar? Pensi que subsidiarament a de prestar servicis. Era nòsta posicion non pòt èster ua auta que votar que non ara mocion. Vòste a estat governant e non a de prepausar çò que non hèc eth sòn govèrn. Non sense reconéisher efectivament, faltarie mès, eth trabalh que realizen es EEMMDD deth municipi. Entath pressupòst de 2016 se serà atent as besonhs des EMD.



Eth Sr. Alejandro Moga ditz que non entrarà a valorar s'ei demagogica o oportunista era mocion. Òc qu'entrarà a avalorar donades. Nosati entrarem a governar en 2011 e en pressupòst der an 2012 se hec un increment deth 15%, e er an 2015 se incrementèc en un 10% per tant òc que i auèc un augment deth 25%. Aguesta mocion Unitat d'Aran la ha pres coma un atac ara governabilitat e non ei atau eth contengut dera Mocion. Ei constructiva coma se ditz ena exposicion. Nosati non dídem que s'a de hèr ua taula de negociacion abantes de fin d'an, la pòden hèr en an 2016 o 2017. Me sorpren era exposicion per part deth Grop d'UA. En cap moment exigim que sigue en 2015. Simplement volem saber es resultats d'aguesta negociacion abantes deth 30.11.2015 en Plen ordinari. Era argumentacion non s'ajuste ara Mocion.

Eth Sr. Rufino Martínez respon, que pòrti en aquest Ajuntament des der an 1983 e era intencionalitat non me pren desprovedit. Vòste a deishat era Alcaldia en junh de 2015. Podie auer hèt era taula de negociacion enes ans 2012, 2013 o 2014. Se que melhor taula qu'eth Conselh d'Alcaldes per què non s'a hèt? En aquest marc deth Conselh d'Alcaldes ei a on calerà parlar, dera prestacion de servicis e dera aportacion, s'ei de besonh. A viatges non ei sonque qüestion de sòs ei tambe de voluntat. Ei licit e legitim qu'er Ajuntament de Vielha e Mijaran çò que sage ei dar un bon servici, dera melhora manèra possible.

Vist er informe dera Comission Informatiua d'Urbanisme, governacion, òbres e servicis e entitats municipaus descentralizades de data 23 de junhsèga de 2015,

Se met era prepausa a votacion e per majoria simple, damb eth vòt en contra des sies (6) membres presenti deth Grop Municipau d'UA-PM-PSC e era abstencion deth Còsso de C's, e eth vòt a favor des quate (4) membres presenti deth Grop Municipau, s'acòrde:

Prumèr.- Non aprovar era Mocion de supòrt as EE.MM.DD. de Vielha e Mijaran coma institucion basica municipau e de defensa des pòbles e des sòns ciutadans e ciutadanes entà melhorar-ne eth finançament coma garantia de sostenibilitat financèra e pressupostària present e futura, presentada peth Grop Municipau de Convergència Democràtica Aranesa-Partit Nacionalista Aranes (CDA-PNA).

8.- AHÈRS D'URGÈNCIA SE N'IA.-

DECLARAR ERA URGÈNCIA DER AHÈR.-

Per'mor de poder compaginar era dedicacion as ahèrs der Ajuntament e es obligacion professionaus de diuersi Còssos, ei de besonh modificar era periodicitat des session deth Plen.

Cossent damb er article 83 deth Reglament d'Organizacion, Foncionament e Regim Juridic des Entitats Locaus, apròvat peth Reiau Decrèt 2568/1986 de 28 de noveme, s'acòrde que per rasons d'urgència s'inclodisque ena Orde deth Dia era Prepausa de "Modificacion dera periodicitat des sessions deth Plen".

Sometuda a votacion resulte que damb es vòts a favor des onze (11) membres presenti des tretze (13) que de dret formen era Corporacion, per unanimitat, s'apròve era declaracion d'urgència der ahèr.



**APROBACION DERA MODIFICACION DERA PERIODICITAT DES SESSIONS
DETH PLEN.-**

Vist qu'ena session deth Plen deth dia 25 de junh de 2015 s'establic qu'es Plens dera Corporacion damb caràcter ordinari aurien lòc eth tresau dimars, non festius, des mesi disparions, entàs 10:00 ores.

Damb era finauetat de poder compaginar era dedicacion ena Alcaldia damb era dedicacion privada des Còssos ei de besonh modificar er Acòrd deth Plen deth dia 25 de junh de 2015 qu'establís era periodicitat des sessions ordinàries deth Plen.

Se prepausa era aprobacion e per unanimitat, damb eth vòt a favor des onze (11) membres presentis des tretze (13) que de dret formen era Corporacion, acòrden:

Prumèr.- Establir qu'es sessions ordinàries deth Plen dera Corporacion Municipau, que se convocaràn damb caràcter ordinari, auràn lòc eth penultim dimèrcles, non festius, des mesi disparions, entàs 10:00 ores, en Salon de Sessions der Ajuntament, o lòc abilitat ar efècte.

9.- PRÈCS E DEMANES.-

Eth Còsso de CDA-PNA Alejandro Moga manifèste era sua felicitacion a toti es membres dera Junta deth Grèmi d'Ostalària qu'an gessut elegidi enes darrères eleccions atau coma dar-les tot eth nòste supòrt.


Eth madeish Còsso demane se se mantien es invitacions as Presidents des EEMMDD entà assistir as plens municipals coma se hège enquiara data.

Se les a convidat a assistir ad aguest Plen?

Se li responen qu'es plens son publics e tot eth que volgue pòt assistir e en tot cas ei er Alcalde eth quau a de dar era orde entà enviar era invitacion.

Er Alcalde lhèue era session, dera quau, coma secretària, esteni aguesta acta.

Era Secretària



Er Alcalde

